



Republika e Kosovës – Republika Kosova – Republic of Kosova
KOMUNA JUNIK - OPŠTINA JUNIK- MUNICIPALITY JUNIK

KOMITETI PER POLITIKË DHE FINANCA

Kuvendi Komunal-Junik

Nr. 02-05-24

Datë: 22.05.2024, ora 10⁰⁰

PROCESVERBAL

i

Mbledhjes së Pestë të Rregullt të Komitetit për Politikë dhe Financa, e mbajtur me datë 22 Maj, 2024, në orën 10⁰⁰, në lokalet e Kuvendit Komunal në Junik.

Të pranishëm në këtë mbledhje ishin anëtarët e këtij Komiteti, si në vijim:

1. Shpejtim Gacaferi, kryesues (LDK),
2. Rajmonda Krasniqi, përfaqësuese (AAK),
3. Dervish Bajraktari, përfaqësues (AAK), dhe
4. Ermelinda Llloluni përfaqësuese (LDK).

Në këtë mbledhje mungoj anëtari i KPF-së, z. Xhemë Tofaj, përfaqësues (LVV).

Poashtu të pranishëm në këtë mbledhje ishin edhe nënkryetari z. Besart Tofaj, drejtoresha për Buxhet dhe Financa znj. Vjollca Qestaj, drejtori i Urbanizmit z. Zenun Shala, zyrtari i lartë financiar, z. Arten Hamza, dhe zyrtari administrativ, z. Zeqë Hebibi.

Mbledhjen e Pestë të Rregullt të Komitetit për Politikë dhe Financa e shpalli të hapur kryesuesi i këtij Komiteti z. Shpejtim Gacaferi, ndërsa ceku se në këtë mbledhje të KPF-së të pranishëm janë katër nga pesë anëtarët e KPF-së.

Kryesuesi z. Shpejtim Gacaferi kërkoj miratimin e Rendit të Ditës, si në vijim;

1. Arsyetimi i mungesave në mbledhje,
2. Shqyrtimi dhe miratimi i procesverbalit nga mbledhja e kaluar,
3. Shqyrtimi dhe miratimi i kërkesës për nxjerrjen e vendimit për fillimin e procedurave për plotësim-ndryshimin e rregullores për Taksa, Ngarkesa dhe Gjoha komunale për vitin 2025,
4. Shqyrtimi dhe miratimi i kërkesës për nxjerrjen e vendimit për fillimin e procedurave për plotësim-ndryshimin e rregullores për Tatimin në Pronën e Paluajtshme për vitin 2025,
5. Informatë lidhur me Qarkoren Buxhetore 2025/27 të Ministrisë së Financave,
6. Pyetje nga anëtarët e Kuvendit, dhe
7. Të ndryshme.

Kryesuesi hodhi në votim Rendin e Ditës, i cili me katër vota për, asnjë kundër dhe asnjë abstenim u miratua nga anëtarët e KPF-së.

Pika e Parë **Arsyetimi i mungesave në mbledhje**

Kryesuesi z. Shpejtim Gacaferi tha, në këtë mbledhje mungon me arsyetim anëtari i KPF-së, z. Xhemë Tofaj.

Pika e Dytë **Shqyrtimi dhe miratimi i Procesverbalit nga mbledhja e kaluar**

Kryesuesi z. Shpejtim Gacaferi kërkoi shqyrtimin dhe miratimin e procesverbalit të mbledhjes së kaluar, i cili u shqyrtua, dhe me katër vota për, asnjë kundër dhe asnjë abstenim u miratuan nga anëtarët e KPF-së.

Pika e Tretë **Shqyrtimi dhe miratimi i kërkesës për nxjerrjen e vendimit për fillimin e procedurave për plotësim-ndryshimin e rregullores për Taksa, Ngarkesa dhe Gjoha komunale për vitin 2025**

Drejtoresha, znj. Vjollca Qestaj tha, ju keni marrë kërkesën nga Drejtoria e Buxhetit për fillimin e procedurave për plotësim-ndryshimin e kësaj rregulloreje, ku si fazë e parë është nxjerrja e vendimit që na lejon neve si organizatë buxhetore fillimin e procedurave për plotësim-ndryshimin e kësaj rregulloreje.

Kjo bëhet për çdo vit dhe nga ligjet në fuqi kërkohet që kjo të kalon në procedurë të rregullt në KPF dhe në Kuvend. Pastaj, është dëgjimi i parë dhe i dytë, deri tek miratimi i kësaj rregulloreje, me ndryshimet që prezantohen këtu. Pra, për secilin ndryshim në këtë rregullore ju do të njoftoheni këtu në KPF dhe në Kuvend.

Këto ndryshime do të hynë në fuqi për vitin 2025, dhe kjo kërkon miratimin nga KPF-ja dhe Kuvendi për fillimin e këtyre procedurave.

Kryesuesi hodhi në votim këtë pikë, e cila me katër vota për, asnjë kundër, dhe asnjë abstenim u miratua nga KPF-ja.

Pika e Katërt **Shqyrtimi dhe miratimi i kërkesës për nxjerrjen e vendimit për fillimin e procedurave për plotësim-ndryshimin e rregullores për Tatimin në Pronën e Paluajtshme për vitin 2025**

Znj. Vjollca Qestaj tha, edhe kjo është procedurë për fillimin e ndryshimit të kësaj rregulloreje, përveçse ne bazohemi në Ligjin për Vetëqeverisje Lokale, ne bazohemi edhe në ligjin e Tatimit të Pronës së Paluajtshme, që na obligon neve si Komunë që të përcjellim vlerën e tregut për çdo pronë që ne e kemi në juridiksionin tonë. Pra, plotësim-ndryshimi i këtyre pronave bëhet në çdo 3-5 vite, mirëpo kjo si procedurë e rregullt kalon çdo vit në Kuvend. Pra, edhe këtu kërkohet nxjerrja e vendimit nga Kuvendi për fillimin e procedurave për plotësim-ndryshimin e kësaj rregulloreje.

Edhe kjo pikë u hodh në votim nga kryesuesi, dhe me katër vota për, asnjë kundër, dhe asnjë abstenim u miratua nga KPF-ja.

Pika e Pestë

Informatë lidhur me Qarkoren Buxhetore 2025/27 të Ministrisë së Financave

Lidhur me këtë pikë drejtoresha, znj. Vjollca Qestaj tha, kjo është vetëm informatë, ndërsa materialin ju tani e keni pranuar. Kjo si informatë kalon edhe në Kuvend, pra si qarkore, si informatë është informata e parë e lëshuar nga Ministria e Financave për secilën organizatë buxhetore për secilën Komunë. Pra, kjo është qarkorja e parë 2025/01, e cila na ofron kufijtë fillestarë buxhetorë për secilën organizatë. Kjo qarkore na jep informatat për limitet fillestare në grantet qeveritare, mirëpo nuk i specifikon ato kategori të pagave dhe mëditjet dhe komunalitë, por specifikon Grantin e Përgjithshëm, atë të Arsimit dhe të Shëndetësisë.

Me anë të kësaj neve na bëhen të ditura edhe afatet kohore për miratimin që secila organizatë buxhetore ka për miratimin e Kornizës Afatmesme Buxhetore.

Në bazë të këtyre informatave të prezantuara në këtë qarkore nga Ministria e Financave, afati për dorëzimin e KAB-it është deri me 30 Qershor.

Në vazhdim drejtoresha, për të pranishmit shpjegoj parashikimet e lartcekura në këtë qarkore për vitin 2025, ku Granit i Përgjithshëm është 1,182,544.00 €, ku në krahasim me këtë vit ka rritje për 78,717.00 €. Granti për Arsim parashihet të jetë 579,020.00 € dhe ka rritje për 34,294.00 € në krahasim me këtë vit, dhe Granit për Shëndetësi është parashikuar të jetë 373,637.00 €, dhe ka rritje për 30,410.00 € në krahasimi me vitin paraprakë.

Në këtë qarkore janë të prezantuara edhe të Hyrat Vetanake që janë parashikuar të jenë 204,942 €, ku ka një zbritje prej 3,114.00 €, krahasuar me vitin e kaluar. Mund të themi se këtu kanë ndikuar edhe lëvizjet që janë bërë në Ligjin e Tatimit të Pronës së Paluajtshme.

Totali i buxhetit për Komunën e Junikut për vitin 2025 është parashikuar të jetë 2,340,143.00 €, apo ka rritje për 140,307.00 € krahasuar me këtë vit sipas Qarkores 2025/01. Pra, këto janë krahasimet me vitin kaluar, ndërsa kjo si informatë duhet të kalon edhe në Kuvend.

Me vendim të kryetarit është formuar edhe Grupi i Punës për hartimin e buxhetit, ku sipas këtyre informatave që kanë, do të fillojnë me hartimin e buxhetit për vitin 2026 dhe 2027, ku përveç planifikimeve që kanë bërë, kanë punuar edhe planin e dëgjimeve buxhetore dhe të hyrave vetanake, që do të thotë se deri me 30 Qershor ne duhet ta finalizojmë dhe dorëzojmë KAB-in komunal në Ministrinë e Financave.

Pika e Gjashtë

Pyetje nga anëtarët e Kuvendit

Për këtë pikë nuk pati ndonjë pyetje nga anëtarët e KPF-së.

Pika e Shtatë

Të ndryshme

Z. Besart Tofaj njoftoj se afati i regjistrimit të popullsisë është shtyrë deri me datën 24 Maj, 2024, ndërsa këtu u diskutua çështja dhe sfidat e regjistrimit të popullsisë, si dhe çështja migrimin dhe shkaqet e mundshme të rënies së popullsisë, ku u cekë se Komuna e Junikut është ndër komunat me rënie më të madhe të numrit popullsisë në Kosovë.

Me kaq, kryesuesi z. Shpejtim Gacaferi e shpalli të mbyllur këtë mbledhje të KPF-së.

Gëzim Geci-Procesmbajtës

Shpejtim Gacaferi-Kryesues